

SOKOLSKI GLASNIK

GLASILO SAVEZA SOKOLA KRALJEVINE JUGOSLAVIJE

Mesečni prilog „Sokolska prosveta“

Ljubljana,
7 jula 1933Izlazi svakog petka • Godišnja pretplata 50 Din • Uredništvo i uprava nalazi se u Učiteljskoj tiskari, Frančiškanska
ulica 6, telefon broj 2177 • Račun poštanske štedionice broj 12.943 • Oglasi po ceniku • Rukopisi se ne vraćajuGod. IV
Broj 27

Pobeda sokolske misli

Veličanstveni dani I pokrajinskog sleća Saveza Sokola Kraljevine Jugoslavije u Ljubljani, koji su bili do sada najveća sokolska manifestacija u našoj zemlji, učvršćuju veru u sokolske i narodne ideale

Kao neutrudivi pionir jugoslovenskog državnog i narodnog jedinstva i prvoborac slovenskog bratstva i uzajamnosti naše Sokolstvo je na sleću u Ljubljani ponovno posvedočilo svoju ekspanzivnu snagu, nesalomljivu volju i ljubav oko fizičkog i moralnog pridizanja naroda, požnjevši u tome najlepše uspehe i sveopće priznanje

Slovensko sokolsko bratstvo — Jugoslovena, Čehoslovaka, Poljaka i Rusa — na delu

Sjajan uspeh sleća u svakom pogledu premašio je i najoptimističkija očekivanja

Po sleću

Pokrajinski slet Saveza Sokola Kraljevine Jugoslavije u Ljubljani, spojen s proslavom 70 godišnjice ustanovljenja prvog sokolskog društva u našoj državi, Ljubljanskog (Južnog) Sokola, bio je obavezan za osam župa, bližih suseda župe Ljubljana, pa je bio dakle zamišljen u manjem opsegu, otprilike tako, kao što su se do sada priredivali u našoj kraljevini i još svi pokrajinski sletovi predašnjeg Jugoslovenskog sokolskog saveza.

U sadanjoj organizaciji jugoslovenskog Sokolstva Ljubljanski pokrajinski slet po broju bio je prvi.

Prvotni, skromniji, okvir toga sleća, međutim, volja samoga članstva spontano je povećala tako, da je u svakom pogledu zauzeo opseg svesokolskog sleća i po svemu premašio svesokolski slet iz god. 1922 u Ljubljani (JSS) kao i svesokolski slet iz god. 1930 u Beogradu (Savez SKJ).

To moramo najpre da naglasimo, podvlačeći time radosnu činjenicu našeg općeg napretka i naglog razvoja. Uske granice nisu nam više dovoljne; hoće nam se široke prostranosti. Računamo s tisućama. Kročimo, moramo napred.

Zašto? Zato, jer je ideja sokolskog bratstva u našim mnoštvima dobila tako dubokog i zdravog korena, da naše

Sokolstvo hoće to iskreno i plemenito čuvstvo da manifestuje najvidnijim, najjačim i najsnažnijim načinom, a što mu je doista bilo moguće na ovom ljubljanskom sleću, na koji su odasle svoja brojna odaslanstva, osim obaveznih župa, i sve ostale župe, tako da su se na ovom sleću našli sinovi i kćeri našega naroda iz svih predela Jugoslavije. Težnja našeg sokolskog bratstva ide za tim da združi svakoga sa svima i sve sa svakim. Pojedinač bi se osećao osamljenim i slabim, kada u njemu ne bi živele svest, da je sastavni i bistveni deo celine. Taj plod našeg sokolskog uzgoja dozoreo je na ljubljanskom sleću u svojoj svojoj raskošnoj lepoti, čija je moralna i materijalna vrednost tim

značajnija i dragocenija, jer je na sleću došlo do veličanstvenih manifestacija sokolskog bratstva i naše pripadnosti jednom narodu u jednoj jedinstvenoj domovini iz nas samih, iz dubokih duša i iz dubina sokolskih srca. Tako govori samo istina.

Ljubljanski slet utvrdio nas je u uverenju, da smo mi Sokoli našli put duhovnog jedinstva, koji je u državnom i nacionalnom pogledu najveća, neprocenjiva i neprolazna tečevina sokolskog uzgojnog rada. Taj rad također i ne može da ima drugačijih uspeha, jer mu je čvrsta osnova demokratska misao, koja se izražuje u širokom okviru sokolske jednakosti. Naš put u budućnost — put naroda i države kao poli-

tičke i nacionalne jedinice i celine — vodi samo u tom pravcu stvarnog rada. Ko beži u pustaru zasenjenju beznađnošću, bludnjom i egoizmom, taj beži iz područja konstruktivnog rada. Toga pregažuje volja mnoštva, jer se preko njega pomalja napred u budućnost uskipeli val zdravog i jasnog života. Ruše se sve zapreke.

Takovo jedinstvo misli stotina tisuća sliveno u jedno žarište — u plamen jedne te iste domovinske ljubavi — i takova skupnost fizičkih snaga tih stotina tisuća zbita u jednoj volji — za jačanje zdravlja svakoga za sve — to je slika i izraz istinskog živoga demokratskog naroda, koji je s vlastitim radom pokazao, da je vredan slobode, da tu




Ljubljana — Pogled na deo Kongresnog trga za vreme veličanstvenog sokolskog zbora dne 29 juna, posle povorke, u kojoj je učestvovalo preko 23.000 Sokola i Sokolice





Sa sleta dece, naraštaja i vojske 21 juna



Doček češkoslovačkog naraštaja kod gl. kolodvora u Ljubljani



Češkoslovački naraštaj pri dolasku u Ljubljani

Gore:
Proste vežbe
ženske deceLevo:
Proste vežbe
žen. naraštajaLevo:
Nastup dvaju
odeljenja planin.
puka s palicamaDole:
Vežbe vojnog
biciklističkog
odeljenja

društva Jesenice br. dr. Maks Oberšnel, komesar pogranične policije br. Čermak i gradonačelnik br. Mr. ph. Zabkar, a u ime sletskog odbora izrekao im je dobrodošlicu br. Poharc. Nakon pozdravnih govora glazba je intonirala češkoslovačku himnu. Za ovako srdačan doček u ime ČOS zahvalio se načelnik br. dr. Miroslav Klinger, a nakon toga je glazba otvitala našu himnu. Tada je vodstvo transporta ČOS sazvalo vodnike vagona i dalo im uputstva, razdelilo sletске legitimacije i značke. Meštani Jesenice obasuli su češkoslovačku braću i sestre cvećem. Do odlaska vlaka izmjenično su svirale sokolska glazba iz Jesenice i sokolska glazba sa Vinohrada marševe i narodne davorije.

Još se prvi vlak nije pripremio za odlazak, a već je u stanicu ulazio drugi češkoslovački transport, koji je dočekala pozdravna sokolska koračnica. Opet se digao urnebes pokliča, pozdrava i otpozdravljanja. U tom času odlazi prema Ljubljani prvi voz. Covek se je teško snalazio i od oduševljenja nije znao na koju stranu da obrne svoj pogled i kome da uputi svoj pozdrav: onima koji su dolazili ili prvome vozu, koji je odlazio. Oduševljenje bilo je neopisivo.

Iz drugog vlaka, burno pozdravljeni izišli su iz vagona vođa transporta br. Moulik, br. dr. Keler i s. Burgrova, pozdravljajući se s prisutnom već pomenutom braćom, koja su ih dočekala. S ovim drugim transportom stigla je i sokolska muzika iz Louna, koja je također neprestano svirala. Nakon kraćeg stajanja na stanici krenuo je i ovaj drugi vlak u tačno određeno vreme prema Ljubljani.

Nakon nekoliko minuta ušao je u stanicu i treći transport, također kao i oni prvi sa preko 800 učesnika. Vođio ga je br. Kudela sa br. Prohaskom i s. Tusarovom. Kao i prvom i drugom, i ovom trećem vlaku priredjen je jednako srdačan i topao prijem. Vreme je brzo odmicalo, te je i ovaj treći transport krenuo burno ispraćen prema Ljubljani. Na putu iz Jesenice sva tri transporta sve do Ljubljane bila su srdačno dočekivana od naroda. Naravno, bio je srdačan doček u Kranju, gde su na stanici pored mnoštva naroda bili okupljeni Sokoli i vatrogasci s muzikom.

Veličanstven doček u Ljubljani

U Ljubljani prvi češkoslovački transport stigao je 25 juna u 16.20 časa, a u razmacima od dvadeset minuta stigao je drugi, pa tako i treći transport.

Već mnogo pre dolaska prvoga voza na ljubljanskoj stanici našli su se predstavnici Saveza SKJ na čelu s I i II zamenikom saveznog starešine braćom Ganglom i Paunkovićem, savezni načelnik br. Ambrožič, zamenici saveznog načelnštva br. Vojinović i Ieras, članovi sletskog odbora na čelu s predsednikom odbora, starostom Ljubljanskog Sokola br. Kajzeljom, pročelnici pojedinih oteka sletskog odbora, glazba Sokolskog društva Ljubljana I, predstavnici vlasti i štampe.

Pred samom stanicom pak nagrnula je sa svih strana ogromna masa građanstva od par desetaka tisuća.

Kada se iz daljine pomolio vlak glazba je intonirala koračnicu. Vlak ulazi u stanicu. Val neopisivog oduševljenja. Urnebesno pozdravljanje i klicanje, koje se za dugo nije stišavalo. Prvi iz vlaka istupili su kao i u Jesenicama vođe transporta, koje su s nekoliko reči pozdravili predstavnici našega Sokolstva. Odmah se je zapazila i ovom prilikom poslovična disciplina češkoslovačkog Sokolstva. Tek na zapovjed istupili su svi iz vlaka i poredali se, čekajući, iako umorni od dvadesetsatnog putovanja i nespavanja, na daljnu zapovjed. Pomišljalo se u početku da bi se sačekalo još i ostala dva češkoslovačka voza pa da bi se zatim pošlo u povorci u grad. Međutim vodstvo našega sleta na čelu sa saveznim načelnikom br. Ambrožičem uvidelo je, da bi to značilo nepotrebnim maksimum iziskivanja fizičkog napora od i onako putom premorenog češkoslovačkog Sokolstva, pa su stoga češkoslovački Sokoli i Sokolice, kako je koji vlak stizavao, odilazili odmah u svoja određena prenočišta.

Kada su češkoslovački Sokoli i Sokolice izišli iz rajona železničke stanice dočekala ih je bura pokliča i urnebesno pozdravljanje, koje se orilo iz ogromne mase sabranog građanstva, kao i od već pristiglih jugoslovenskih Sokola i Sokolice. Od stanice pa putem sve do prenočišta, češkoslovački Sokoli, predvođeni glazbom, bili su predmet najtoplijih, spontanijih ovacija i simpatija cele Ljubljane. Kuda god su prolazili, a naročito glavnim ulicama, pogotovo Miklošičevom cestom, češkoslovački Sokoli i Sokolice, svi, prvi, drugi i treći, te dne 27 juna prispeli četvrti transport iz Brna, bili su obasuti pravom kišom cveća.

U razmaku od kojih dvadesetak minuta, tačno prema predviđenom voznom redu, stigao je toga dana i drugi, a zatim i treći češkoslovački transport. Svima podjednako bio je priredjen upravo triumfalan doček, da je mnoge dirnuo do suza. To je bio kao neki uvod u veličanstvenu sokolsku povorku, koju je Ljubljana tako

Sa glavnih sletskih dana Dolazak Sokolstva u Ljubljani



Dolazak češkoslovačkih Sokola u Ljubljani — Sletski nastanbeni otek imao je pune ruke posla smeštajem Sokolstva u prenočišta i otpremom prtljaga. Ipak, sve je pošlo u najlepšem redu



Češkoslovačke Sokolice pri dolasku u Ljubljani polaze u svoja prenočišta, putem burno pozdravljane



Načelnik ČOS br. dr. Klinger i član predsedništva ČOS brat Havel sa načelnikom Saveza SKJ br. Ambrožičem na čelu češkoslov. Sokola po dolasku u Ljubljani otpozdravljaju na ovacije građanstva



Građanstvo Ljubljane s najživljim interesom prati dolazak sokolske vojske



Ponositi Sokoli naših seoskih četa pri dolasku u Ljubljani

